

**Cursa d'orientaziun attira blers curridurs**

Bunamain 300 juniors da 38 nazions èn già s'annunziads per il campionadi mundial a Scuol.

11

**Cun in trenader da renun en il futur**

Michael Greis ha cumenzà sia lavor sco trenader da biatlon da la regiun Svizra orientala.

13

# LA QUOTIDIANA

Redacziun: Via Sommerra 32, 7007 Cuira, tel. 081 255 57 10, redacziun@laquotidiana.ch

## Renta da basa senza cundizuns: utopia u realitat?

**(anr/ld) Ina iniziativa dal pievel pretenda ina entrada da basa nuncundizunada per mintgin en Svizra.** Surloner sto il suveran dir ils 5 da zercladur proxim gea u na. Nagin quinta cun in gea dal pievel. Il cussegli federal Alain Berset ha considerà l'iniziativa sco ina utopia, il parlament federal recumonda in ferm na. Ma tuttina èsi reussi als iniziants d'evocar ina vasta discussiun davart il segirar nossas ovras socialas en l'avegnir en vi-

sta a la deindustrializaziun e la digitalisaziun. Ils iniziants vulan dentant er ina discussiun davart l'organisaziun dal mund da lavour e da la vita privata en l'avegnir. Ina renta da basa senza cundizuns lubiss dapli libertad individuala. Oswald Sigg, l'antier vi-cechancelier federal, s'engascha per l'iniziativa. L'Agentura da novitads rumantscha ha vuli conuscher ses arguments.

➤ PAGINA 2

## Academia «Land Art» en Val Stussavgia

**(mc) «Land Art» ei ina fuorma d'art nua che las ovras artisticas vegnan creadas ora el liber cun nezegiar la cuntrada naturala sco object d'inspiraziun artistica.** Il concept digl artist e scienziat d'art Johannes Hedinger preveda da realisar en Val Stussavgia ina «Alps Art Academy». Quella duei porscher mintg'onn plirs luvratoris d'art ella cuntrada per artistas ed artists internaziunals. In emprem cuors vegn ad haver liug dils 26 da

zercladur entochen ils 2 da fendar en Val Stussavgia. Il davos di vegnan las ovras d'art creadas el luvratori presentadas alla publicidad. En quei connex vegn realisau ina carta d'art ed installau in center d'informaziun ed ina pintga biblioteca el hotel Alpenblick a Tenna. A prender part vegnan rodund 30 participantis che derivan da 20 naziunalitads.

➤ PAGINA 9



Questa stard han plirs luvratoris davart «arten la cuntrada» liug en Val Stussavgia.

FOTO F. MINELLI

## Il Chor Cantus Firmus sils fastitgs da nossas ragischs musicalas

**(anr/ff)** En treis concerts en treis regius dalla Romontschia han il dirigent Clau Scherrer e siu Chor Cantus Firmus delectau in publicum a moda profunda. Profundas ein nossas ragischs musicalas artisticas e quella ha il concert ragischau puspei ingada en producziun cantica e musicala. Ils musicists engiadines Domenic e Curdin Janett ein semess en retscha cun cantaduras e cantaduras dil Cantus Firmus. Lur presenta-

ziun da nossa musica ha fatg effect profund als presents e demusa tgei rihezia che schai ella ierta digl art musical romontsch. Ils protagonisti ein ils administrators da quei relasch ed els meretan in grond engraziament per lur engaschament. Il disc cumpact che ensiara l'entira presentaziun vegn a legrar aunc biars amitgs dalla musica e dil cant romontsch.

➤ PAGINA 7



30021

Servetsch d'abunents e da distribuziun: tel. 0844 226 226  
mail: abo@somedia.ch

## Ina giada dapli sper il Grischun vi

Il Grischun ha fadia da retschaiver in attractiv access sin il binari

DAD ANDREAS CADONAU

**Saja quai il Lötschberg u il nov tunnel dal Gottard. Il Grischun resta ina giada dapli da la vart punto access sin il binari. Sa lamentar na vul la politica grischuna dentant betg.** Las festivitads per l'avertura dal tunnel dal Gottard mettan la Svizra en ina glish da pionier gist en il context europeic. L'egliada grischuna resta in pau sceptica, sco quai ch'il cusseglier dals chantuns Stefan Engler ha concedi. La segunda giada entaifer 200 onns retscheiva il Grischun la rolla dad aspectatur enaquelle che la Svizra sa profilescha cun ina nova collaziun trantil nord ed il sid. Sa lamentar na vul il cusseglier grischun dals chantuns dentant betg. El ha menziunà la solidarität svizra vers auters projects grischuns e quinta che quella solidarität funcziunia era vinavant e versa difrents basegns d'investiziun en il chantun Grischun en l'infrastructura da traffic. Engler è persvadi ch'ils chantuns Tessin ed Uri vegnian a profitar da la nova Viasier transalpina. La dumonda



La Surselva ha profità da las lavurs da construcziun da la nova Viasier transalpina.

KEYSTONE

saja dentant quant durabel che quel profit saja. Profità da la construcziun da la Viasier transalpina ha en la Cadi en spezial la vi-

schnanca da Tujetsch ils davos 20 onns. Il temp suenter las lavurs da construcziun da la Neat valitescha il nov president communal

Beat Röschlin per dir per la vischnanca tuatschina.

➤ PAGINA 3

## Marcel Koller e siu team

Il camp da trenament dall'equipa austriaca muenta

**(anr/abc) Quest'jamna ei l'equipa da ballapei dall'Austria en Surselva. Cuort avon l'Euro2016 en Frontscha san els seregenerar els Rockresort a Laax e silla piazza a Schluein.** Quest'jamna loschescha l'equipa da ballapei austriaca a Laax. Grazia al scheftrenader Marcel Koller

che ha ina avdonza a Falera emprendan els d'enconuscher la Surselva. Il president communal da Schluein, Bruno Wellinger, ei loschs da hospitar ina squadra da tal renun. Buc il davos damai ch'ina roschada medias accumponga ils ballapedists austriacs. Damaun emetta la televisiun au-

striaca ORF schizun live il giug da ballapei denter la naziunala austriaca e l'emprema squadra dad US Schluein Glion. Ins sappi buca valetar avunda quella dimora e sias consequenzas, ha Wellinger maneggiu.

➤ PAGINA 5



La dimora dall'equipa austriaca a Laax e Schluein muenta enorm las medias.

FOTO A. BEELI

➤ PAGINA 11